

**ԷԼԵԿՏՐՈՏԵԽՆԻԿԱՅԻ, ՌԱԴԻՈՏԵԽՆԻԿԱՅԻ ԵՎ ԿԵՆՏՐԱՂԱՅԻՆ ՍԱՐՖԱՎՈՐՈՒՄՆԵՐԻ ԳՆՄԱՆ
ՊԱՅՄԱՆԱԳԻՐ N ԳՀԱՊԶԲ-2021/12-1-ԵՊԲՀ-1**

ք.Երևան

« » «

» 2021թ.

«Երևանի Միիթար Հերացու անվան պետական բժշկական համալսարան» Հիմնադրամը ի դեմս ռեկտոր Ա.Մուրադյանի, որը գործում է համալսարանի կանոնադրության հիման վրա, այսուհետ «Գնորդ», մի կողմից, և «Ֆիրմա Ալֆա» ՍՊ ընկերությունը, ի դեմս գլխավոր տնօրեն Ռ.Եսայանի, որը գործում է ընկերության կանոնադրության հիման վրա, այսուհետ «Վաճառող» մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1. Վաճառողը պարտավորվում է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման-ժամանակացուցով նախատեսված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Գնորդն իրավունք ունի՝

2.1.1 Ապրանքը պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 10 օրից ավելի:

2.1.2 Եթե հանձնվել է անպատշաճ որակի՝ պայմանագրով նախատեսված տեխնիկական բնութագրին չհամապատասխանող ապրանք՝

ա) պահանջել հատուցելու ապրանքի անպատշաճ որակի լինելու պատճառով իր կատարած ծախսերը.

բ) չընդունել ապրանքն՝ իր հայեցողությամբ սահմանելով անպատշաճ որակի ապրանքը պայմանագրին համապատասխանող որակի ապրանքով անհատույց փոխարինման ողջամիտ ժամկետ և պահանջել Վաճառողից վճարելու պայմանագրի 6.3 կետով նախատեսված տուգանքը.

գ) հրաժարվել պայմանագիրը կատարելուց և պահանջել վերադարձնելու ապրանքի համար վճարված գումարը:

2.1.3 Եթե հանձնվել է պայմանագրով որոշվածից պակաս քանակի ապրանք, ապա՝

ա) պահանջել լրացնելու ապրանքի պակաս հանձնված քանակը,

բ) հրաժարվել հանձնված ապրանքից և դրա համար վճարելուց, իսկ եթե ապրանքի համար վճարվել է, ապա պահանջել վերադարձնելու վճարված գումարը և վճարելու պայմանագրի 6.2 կետով նախատեսված տույժը:

2.1.4 Եթե հանձնվել է տեսակի պայմանի խախտմամբ ապրանք, իր ընտրությամբ՝

ա) ընդունել տեսակի վերաբերյալ պայմանին համապատասխանող ապրանքը և հրաժարվել մնացած ապրանքներից.

բ) հրաժարվել հանձնված բոլոր ապրանքներից և պահանջել վճարելու պայմանագրի 6.2 կետով նախատեսված տույժը.

գ) պահանջել տեսակի վերաբերյալ պայմանին չհամապատասխանող ապրանքի անհատույց փոխարինում պայմանագրով նախատեսված տեսակին համապատասխան ապրանքով:

2.1.5 Վաճառողի կողմից մատակարարման ժամկետների խախտման դեպքում իր հայեցողությամբ սահմանել ապրանքի մատակարարման նոր ժամկետ և պահանջել Վաճառողից վճարելու պայմանագրի 6.2 կետով նախատեսված տույժը:

2.1.6 Վաճառողից պահանջել հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով պայմանագրի լուծումից հետո ողջամիտ ժամկետում այլ անձից ավելի բարձր, սակայն ողջամիտ գնով գնել է ապրանք՝ պայմանագրով նախատեսվածի փոխարեն՝ պայմանագրով սահմանված և դրա փոխարեն կնքված գործարքի գների միջև տարբերության չափով, ինչպես նաև ապրանքն այլ անձից ձեռք բերելու համար իր կատարած բոլոր անհրաժեշտ և ողջամիտ ծախսերը:

2.1.7 Միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը.

2.1.7.1 Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում.

բ) ապրանքի մատակարարման ժամկետները խախտվել են 10 օրից ավելի,

2.1.8 Ձննել ապրանքը և հայտնաբերված թերությունների մասին անհապաղ տեղեկացնել Վաճառողին:

2.2 Գնորդը պարտավոր է՝

2.2.1 Կատարել պայմանագրին համապատասխան մատակարարված ապրանքի ընդունումն ապահովող բոլոր անհրաժեշտ գործողությունները:

2.2.2 Վաճառողի հանձնած ապրանքից պայմանագրին համապատասխան հրաժարվելու դեպքում, ապահովել այդ ապրանքի պատասխանատու պահպանությունը և դրա մասին անհապաղ տեղեկացնել Վաճառողին:

2.2.3 Պայմանագրով նախատեսված կարգով և ժամկետներում մատակարարված ապրանքն ընդունելու դեպքում Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև պայմանագրի 6.5 կետով նախատեսված տույժը:

2.2.4 Ապրանքի քանակի, տեսականու, որակի մասին պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո՝ ողջամիտ ժամկետում, երբ պայմանագրի համապատասխան պայմանի խախտումը պետք է հայտնաբերված լիներ՝ ելնելով ապրանքի բնույթից և նշանակությունից:

2.2.5 Պայմանագրի 2.3.3 կետի համաձայն պայմանագրի լուծումից հետո Վաճառողին հատուցել վերջինիս պատճառված և սահմանված կարգով հիմնավորված վնասները:

2.3 Վաճառողն իրավունք ունի՝

2.3.1 Գնորդից պահանջել ընդունելու պայմանագրով նախատեսված կարգով, ծավալներով, ժամկետներում և հասցեով մատակարարված ապրանքը:

2.3.2 Գնորդից պահանջել վճարելու պայմանագրով նախատեսված կարգով, ծավալներով, ժամկետներում և հասցեով մատակարարված և Գնորդի կողմից ընդունված ապրանքի համար իրեն վճարման ենթակա գումարները:

2.3.3 Միակողմանի լուծել պայմանագիրը (լրիվ կամ մասնակի), եթե Գնորդն էականորեն խախտել է պայմանագիրը:

2.3.3.1 Գնորդի կողմից պայմանագիրը խախտելն էական է համարվում, եթե բազմիցս խախտվել են ապրանքի համար վճարելու ժամկետները:

2.3.4 Գնորդի համաձայնությամբ վաղաժամկետ մատակարարել ապրանքը:

2.4 Վաճառողը պարտավոր է՝

2.4.1 Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

2.4.2 Ապահովել ապրանքի մատակարարումը պայմանագրի 2.1.2 կետի բ) ենթակետին և (կամ) 2.1.5 կետին համապատասխան՝ Գնորդի կողմից սահմանված ժամկետներում:

2.4.3 Գնորդին հանձնել երրորդ անձանց իրավունքներից ազատ ապրանք:

2.4.4 Գնորդին հանձնել պայմանագրով նախատեսված որակի և քանակի ապրանք՝ պայմանագրով նախատեսված ժամկետներում և հասցեով, իսկ Գնորդի պահանջով տրամադրել ապրանքի որակը հավաստող փաստաթղթեր:

2.4.5 Թերի մատակարարում թույլ տալու դեպքում, պայմանագրով նախատեսված կարգով, լրացնել թերի մատակարարվածը:

2.4.6 Հետ տանել Գնորդի կողմից պայմանագրի 2.2.2 կետին համապատասխան՝ պատասխանատու պահպանության ընդունված ապրանքը կամ ողջամիտ ժամկետում տնօրինել այն, ինչպես նաև հատուցել ապրանքը պատասխանատու պահպանության ընդունելու, այն իրացնելու կամ Վաճառողին վերադարձնելու հետ կապված անհրաժեշտ ծախսերը:

2.4.7 Պայմանագրով նախատեսված դեպքերում վճարել պայմանագրի 6.2 և 6.3 կետերով նախատեսված տույժը և տուգանքը:

2.4.8 Գնորդին հանձնել ապրանքի պատկանելիքները և համապատասխան փաստաթղթերը:

2.4.9 Պայմանագրի 2.1.7 կետի համաձայն պայմանագրի լուծումից հետո Գնորդին հատուցել վերջինիս պատճառված և սահմանված կարգով հիմնավորված վնասները:

2.4.10 Որակավորման և պայմանագրի ապահովում ներկայացրած անձը պարտավոր է ապահովումների գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Գնորդին:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

3.1 Պայմանագրի գինը կազմում է 8.658.000,00 /ուրժ միլիոն վեց հարյուր հիսունուր հազար/ ՀՀ դրամ, ներառյալ 20% ԱԱՀ-ն: Պայմանագրի գինը ներառում է պայմանագրի կատարումն ապահովելու նպատակով Վաճառողի կողմից կատարվելիք բոլոր վճարները (ծախսերը), այդ թվում՝ հարկերը, տուրքերը, փոխադրման, ապահովագրման ծախսերը, պարգևավճարները և ակնկալվող շահույթը:

Ապրանքի մատակարարման գինը կայուն է և Վաճառողն իրավունք չունի պահանջել ավելացնելու, իսկ Գնորդը նվազեցնելու այդ գինը:

Մատակարարման գինը նաև ներառում է Պատվիարտուի կողմից կատարվելիք մաքսազերծման և ներմուծման բոլոր վճարները (ծախսերը), այդ թվում՝ հարկերը և տուրքերը այդպիսիք լինելու դեպքում, և տվյալ դեպքում նշված վճարները (ծախսերը), այդ թվում՝ հարկերը և տուրքերը ենթակա են փոխհատուցման Վաճառողի կողմից Պատվիարտուին՝ Վաճառողին վճարման ենթակա գումարների հետ հաշվառվման և հաշվանցման ճանապարհով:

3.2 Գնորդն իրեն մատակարարված ապրանքի դիմաց վճարում է ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը:

4. ԱՊՐԱՆՔԻ ՈՐԱԿԸ ԵՎ ԵՐԱՇԽԻՔԸ

4.1 Վաճառողը երաշխավորում է մատակարարված ապրանքի որակի համապատասխանությունը գործող ստանդարտների պահանջներին:

4.2 Հիմնական միջոց հանդիսացող ապրանքների համար երաշխիքային ժամկետ է սահմանվում տեխնիկական բնութագիր-գնման ժամանակացույց հավելվածում (Հավելված 1) նշված ժամանակահատվածը: Եթե երաշխիքային ժամկետի ընթացքում ի հայտ են եկել մատակարարված ապրանքի, ոչ Գնորդի մեղքով առաջացած թերություններ, ապա Վաճառողը պարտավոր է իր հաշվին, Գնորդի կողմից սահմանված ողջամիտ ժամկետում վերացնել թերությունները:

5. ԱՊՐԱՆՔԻ ՀԱՆՁՆՈՒՄԸ ԵՎ ԸՆԴՈՒՆՈՒՄԸ

5.1 Մատակարարված ապրանքն ընդունվում է Գնորդի և Վաճառողի միջև հանձնման-ընդունման արձանագրության ստորագրմամբ: Ապրանքը Գնորդին հանձնելու փաստը ֆիքսվում է Գնորդի և Վաճառողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ապրանքի մատակարարման համար նախատեսված օրը ներառյալ Վաճառողը Գնորդին է տրամադրում իր կողմից ստորագրված՝ ապրանքը Գնորդին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «Էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Վաճառողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

5.2 Եթե մատակարարված ապրանքը համապատասխանում է պայմանագրի պայմաններին, Գնորդը պայմանագրի 5.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

5.3 Եթե մատակարարված ապրանքը կամ դրա մի մասը չի համապատասխանում պայմանագրի պայմաններին, ապա Գնորդը չի ստորագրում հանձնման-ընդունման արձանագրությունը և պայմանագրի 5.2 կետում նշված ժամկետում էլեկտրոնային գնումների armeps համակարգի միջոցով Վաճառողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Գնորդը ձեռնարկում է նման իրավիճակի համար պայմանագրով նախատեսված միջոցները և Վաճառողի նկատմամբ կիրառում է պայմանագրով նախատեսված պատասխանատվության միջոցներ:

5.4 Եթե պայմանագրի 5.2 կետով սահմանված ժամկետում Գնորդը չի ընդունում մատակարարված ապրանքը կամ չի մերժում դրա ընդունումը, ապա մատակարարված ապրանքը համարվում է ընդունված և պայմանագրի 5.2 կետով սահմանված վերջնաժամկետին հաջորդող աշխատանքային օրը Գնորդը էլեկտրոնային գնումների համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1 Վաճառողը պատասխանատվություն է կրում հանձնած ապրանքի որակի և պայմանագրով նախատեսված մատակարարման ժամկետների պահպանման համար:

6.2 Վաճառողի կողմից պայմանագրով նախատեսված ապրանքի մատակարարման ժամկետների խախտման դեպքում Վաճառողից յուրաքանչյուր ուշացված աշխատանքային օրվա համար գանձվում է տույժ՝ մատակարարման ենթակա, սակայն չմատակարարված ապրանքի գնի 0,05 (զրո ամբողջ հինգ հարյուրերորդական) տոկոսի չափով:

6.3 Պայմանագրի 1.1 կետում նշված տեխնիկական բնութագրին չհամապատասխանող ապրանք մատակարարելու յուրաքանչյուր դեպքում Վաճառողից գանձվում է տուգանք՝ պայմանագրի գնի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ապրանքի մատակարարումը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում:

6.4 Պայմանագրի 6.2 և 6.3 կետերով նախատեսված տույժը և տուգանքը հաշվարկվում և հաշվանցվում են Վաճառողին վճարման ենթակա գումարների հետ:

6.5 Գնորդի կողմից պայմանագրի 3.3 կետով նախատեսված ժամկետի խախտման համար Գնորդի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

8. ԱՅԼ ՊԱՅՄԱՆՆԵՐ

8.1 Պայմանագիրն ուժի մեջ է մտնում Կողմերի ստորագրման պահից և գործում է մինչև կողմերի՝ պայմանագրով ստանձնած պարտավորությունների ողջ ծավալով կատարումը:

8.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ պայմանագիրը կնքելու նատակով կազմակերպված գնման գործընթացում, մինչև պայմանագրի կնքումը, Վաճառողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Գնորդը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Գնորդը չի կրում պայմանագրի միակողմանի լուծման հետևանքով Վաճառողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Գնորդի կրած վնասներն այն ծավալով, որի մասով պայմանագիրը լուծվել է:

8.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում կատարել այնպիսի փոփոխություններ, որոնք հանգեցնում են գնվող ապրանքի ծավալների կամ ձեռք բերվող ապրանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.6 Ապրանքի մատակարարման ժամկետը կարող է երկարաձգվել մինչև պայմանագրով այդ ժամկետը լրանալը՝ Վաճառողի առաջարկության առկայության դեպքում, պայմանով, որ Գնորդի մոտ չի վերացել ապրանքի օգտագործման պահանջը, իսկ Վաճառողի առաջարկությունը ներկայացվել է ոչ ուշ, քան պայմանագրով ի սկզբանե մատակարարման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ապրանքի մատակարարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

8.7 Պայմանագրի պատշաճ կատարման պայմաններում կողմերի (Վաճառող կամ Գնորդ) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Վաճառողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:

8.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցումը:

8.9 Վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Գնորդը հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Գնորդը այն ուղարկվում է նաև Վաճառողի էլեկտրոնային փոստին:

8.10 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

8.11 Պայմանագիրը կազմված է 20 էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Պայմանագրի N 1, N 2, N 3 և N 3.1 հավելվածները, համարվում են պայմանագրի անբաժանելի մասը:

8.12 Պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ և ՍՏՈՐԱԳՐՈՒԹՅՈՒՆՆԵՐԸ

ԳՆՈՐԴ

Երևանի Մխիթար Հերացու անվան պետական
բժշկական համալսարան Հիմնադրամ
Հասցե՝ ք. Երևան, Կոբյունի 2
Հեռախոսահամար՝ 060 621 000
Բանկ՝ Հայբիզնեսբանկ ՓԲԸ
Հ/հ՝ 11500166513800
ՀՎՀՀ՝ 01503448
Ռեկտոր՝ Ա. Մուրադյան

ՎԱՃԱՌՈՂ

«Ֆիրմա Ալֆա» ՍՊԸ
Հասցե՝ ք. Երևան, Խանջյան 50,
«Թեքեյան բիզնես կենտրոն»
Հեռախոսահամար՝ 010 52 13 56
Բանկ՝ «Ամերիաբանկ» ՓԲԸ
Հ/հ՝ 1570005003790100
ՀՎՀՀ՝ 01204713
Էլ. հասցեն՝ info@alpha.am
Գլխավոր տնօրեն՝ Ռ. Եսայան

/ստորագրություն/
Կ.Տ

/ստորագրություն/
Կ.Տ

ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ*

ՀՀ դրամ

Ապրանքի											
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	ապրանքային նշանը, արտադրողի անվանումը	տեխնիկական բնութագիրը	չ/մ	միավոր գինը/ՀՀ դրամ	ընդհանուր գինը/ՀՀ դրամ	ընդհանուր քանակը	մատակարարման		
									հասցեն	ենթակա քանակը	Ժամկետը
1	38651200	Պրոեկտորային համակարգ	ա) Panasonic PT-MZ770LE, Panasonic Corp., Ճապոնիա բ) Panasonic ET-ELT22, Panasonic Corp., Ճապոնիա գ) Panasonic PT-MZ770LE պրոյեկտորի համար պատի/առաստաղի մետաղյա կախիչ, «Ֆիրմա Ալֆա» ՍՊԸ, ՀՀ	Ճակատային թվային պրոյեկցիայի համակարգ հետևյալ բնութագրերով և լրակազմով. ա) Պրոֆեսիոնալ ինստալացիոն լազերային պրոյեկտոր Panasonic PT-MZ770LE/Professional Installation Laser Projector Panasonic PT-MZ770LE - Պատկերի արտացոլման հեղուկ-բյուրեղային տեխնոլոգիա/ Projection technology - 3 x LCD Technology <u>Հատուկ հնարավորություններ/Special Features</u> - Լազերային լույսի աղբյուր/Laser Light Source - 24/7 աշխատանքային ռեժիմ/24/7 Operation mode - Փոշի դիմացկուն փակ իրան միակողմանի օդափոխման նախագծմամբ/Dust-Resistant Cabinet with One-Way Airflow	հատ	6.498.000,00	6.498.000,00	1	ք.Երևան Կոռյունի 2	1	պայմանագրի նույն մեջ մտնելու օրվանից 40 օրացուցային օրվա ընթացքում

				Design - Daylight View Basic Ֆունկցիան օպտիմիզացնում է պատկերը պայծառ տարածքներում/ Daylight View Basic optimizes Pictures in Bright Spaces - Detail Clarity Processor 4 Provides Pin-Sharp Insight -Vivid Images in Bright Environments & Color Adjustment Function -150m Long distance single cable solution with Digital Link - Supports uncompressed 4K signal input via HDMI or Digital Link - ECO Management System with Intelligent Light Source Control Պատկերի ավտոմատ պտույտ/Auto Image Rotation - Արագ միացում և արագ անջատում/Quick Start and Quick Off - Built-in Geometric Adjustment; Edge Blending; Color Matching & Digital Image Enlarging -Տեղադրում՝ առաստաղ/հատակ, առջև/հետև, 360 աստիճանի ազատ տեղադրում/Installation: Ceiling/floor, front/rear, 360 degree free installation -Color board և Blackboard ռեժիմներ/ Color board and Blackboard Modes -DICOM Simulation Mode -Multi-Unit Brightness and Color Control							
--	--	--	--	---	--	--	--	--	--	--	--

				- Լազերային լույսի աղբյուր - Օպտիկական առանցքի շեղում/Optical axis shift – V:±67%, H:±35% - Ներկառուցված բարձրախոս/Built-in Speaker - <u>Մուտքային տերմինալներ/Input terminals:</u> HDMI 19-pin x 2 (HDCP2.2 and Deep color compatible), BNC x 5 (female), RGB/Y PB/PR (CB/CR), D-Sub 15 p x 1 (female), RGB/Y PB/PR (CB/CR), Pin jack x 1 (Video), M3 stereo jack x 1 (L-R), Pin jack x 2 (L-R) (Audio) - <u>Ելքային տերմինալներ/Output terminals:</u> D-Sub 15 p x 1 (female), RGB/Y PB/PR (CB/CR), M3 jack x 1, 0 V[rms] to 2.0 V[rms] variable, output impedance 2.2 k ohms and less -<u>Հաղորդակցման տերմինալներ/Communication terminals:</u> RJ-45 x 1 for network connection, 10/100Base-TX, compliant with PLink™(Class 2), RJ-45 x 1 for network and Digital Link (Video/network/serial control) connection, 100Base-TX, compliant with PLink™(Class 2), Deep Color, HDCP2.2, USB type-A x 1 (Viewer/Pairing), USB type-A x 1 (DC 5V, 2A(Max) (DC Out), Wireless module connecting terminal x 1 (For optional Wireless module), D-Sub 9 pin x 1, RS-232C compliant, for computer control use, D-Sub 9 pin x 1										
--	--	--	--	--	--	--	--	--	--	--	--	--	--	--

				(female) for external control (parallel), M3 jack x 1 (L-R) for link control (for wired remote control). -Քաշը/Weight – 16.2kg (without lens) <u>-Երաշխիքային սպասարկման ժամկետը/Warranty: թվային պրոյեկտորի համար՝ 36 ամիս/For parts and labor – 36 months, լազերային լույսի աղբյուրի համար 3 տարի կամ՝ աշխատանքային 10000 ժամ, կախված այն բանից, թե որ իրադարձությունը տեղի կունենա առաջինը/Laser light Source – 3 years or 10K hours, whichever comes first.</u> բ) Հատուկ Tele Zoom ոսպնյակ պրոյեկտորի համար Panasonic ET-ELT-22/ Panasonic ET-ELT-22 Tele Zoom Lens - 1 հատ - Պրոյեկցիոն հարաբերակցություն/Throw Ratio: 2.72-4.48:1 Երաշխիքային սպասարկման ժամկետը/Warranty: 36 (երեսուն վեց) ամիս/36 months. գ) Panasonic PT-MZ770LE պրոյեկտորի համար պատի/առաստաղի մետաղյա կախիչ/Wall/ceiling metal mount for Panasonic PT-MZ770LE projector - 1 հատ Երաշխիքային սպասարկման ժամկետը/Warranty: 36 (երեսուն վեց) ամիս/36								
--	--	--	--	--	--	--	--	--	--	--	--	--

				months. Ապրանքի տեղադրումը, միացումը, փորձարկումը, անձնակազմի ուսուցումը Վաճառողի միջոցներով և Վաճառողի հաշվին:							
4	38651200	Պրոեկտոր 2	ա) NEC P554W, NEC Display Solutions LTD, Ճապոնիա բ) NEC P554W պրոյեկտորի համար պատի/առաստա ղի մետաղյա կախիչ, «Ֆիրմա Ալֆա» ՍՊԸ, ՀՀ	Թվային պրոյեկտոր հետևյալ բնութագրերով և լրակազմով. ա) Պրոֆեսիոնալ թվային պրոյեկտոր NEC P554W /Professional Digital Projector NEC P554W – 3 հատ <u>Հատուկ</u> <u>հնարավորություններ/Special</u> <u>Features</u> -NaViSet Administrator 2 հատուկ ծրագրային ապահովում բազմաքանակ պրոյեկտորների դեկլարման համար համակարգչային ցանցի միջոցով/NaViSet Administrator 2 Software to manage all your connected display devices from a centralized location -MultiPresenter ֆունկցիա՝ անլար շնորհանդեսների անցկացում և մինչև 16 սարքերի էկրանների միաժամանակ բաշխում (լրացուցիչ USB Wi-Fi սարքի միջոցով)/ MultiPresenter Function – enables wireless presentation and screen sharing for up to 16 devices simultaneously (with optional USB Wi-Fi dongle) -USB Viewer՝ առանց համակարգչի շնորհանդես անցկացնելու համար, թույլ է	հատ	2.160.000,00	2.160.000,00	3	ք.Երևան Կորյուն ի 2	3	պայմանագիր ն ուժի մեջ մտնելու օրվանից 40 օրացուցային օրվա ընթացքում

				տալիս ֆայլերի տեսադիտում անմիջապես USB կրիչից/ USB Viewer- allows files to be displayed directly from a USB stick -DICOM Simulation` սահմանում է ստանդարտացված արտացոլման չափորոշիչ մոխրագույն պատկերների համար հիմնված կոնտրաստի նկատմամբ մարդու աչքի զգայունության վրա/DISCOM Simulation- defines a standardized display function for gray scale images based on human sensitivity to contrast -Լրացուցիչ Wi-Fi սարք/Optional Plug & Play WLAN -ID set, Control ID Function & HTTP Browser Control -Պատկերի կարգավորում և պատկերի անջատում/Picture Adjust & Picture Mute -Շնորհանդես և մկնիկի հսկում/Presentation and Mouse Control -Խոշորացում և պատկերի սառեցում Ֆունկցիաներ/Magnify and Freeze functions -Վիրտուալ հեռակառավարում` պրոյեկտորի բազմաթիվ կարգավորիչները կառավարվում են ոչ միայն հեռակառավարման վահանակով, այլ նաև VGA մալուխի միջոցի միացված համակարգչից/Virtual								
--	--	--	--	---	--	--	--	--	--	--	--	--

				Remote for direct PC control- the various projector settings can be managed not only using the remote control unit, but also from a PC connected to it via the VGA cable -Պատի գույնի կոմպենսացում/Manual Wall Color Correction -Արագ ստարտ, ավտոմատ սնուցման միացում և անջատում, ուղղակի անջատում և անջատման ժամանակաչափ, ավտոմատ էկո ռեժիմ/Quick Start, Auto Power On/Off, Direct Power-Off & Off-Timer Functions, Auto Eco Mode -Օգտագործողի տարբերանշանի օպցիոնալ արտացոլում և տեստային նմուշ/Optional User Logo & Test Pattern -Գաղտնաբառով անվտանգության համակարգ/Password Security System -Պայծառությունը/Brightness - 5500 ANSI Lumens - Կետայնությունը՝ իսկական (ֆիզիկական)/Native - WXGA (1,280 x 800 pixels)/ Արհեստական /Compressed - WUXGA (1,920 x 1,200 pixels) - Կողմերի հարաբերակցություն (իսկական/արհեստական)/ Aspect Ratio (Native/Supported) - 16:10 / 16:9, 4:3 -Լամպի շահագործման ժամկետը (Ստանդարտ/Էկո								
--	--	--	--	--	--	--	--	--	--	--	--	--

				նեմիս)/Lamp life (Normal/Eco mode) – 4.000/8,000 hours -Կոնտրաստ/Contrast - 20000:1 -Ձեռքով խոշորացում/Manual Zoom -1,7x -Ուսանյակի տեղաշարժ/Lens shift – H:±0.15, V:±0.55, -0 - Հորիզոնական և ուղղահայաց սեղանային շեղումների ձեռքով շտկում/Horizontal and Vertical Manual Keystone Correction - H:±20°, V:±30° -Բարձրախոսի շեղումների շտկում/Pincushion Correction -Պրոյեկցիոն հարաբերակցություն/Throw ratio – 1.2-2.1 : 1 -Պրոյեկտորի պատկերի չափը (անկյունագիծ)/Projection Screen Size (diagonal) – 30”-300” (0.76-7.62m) Վիդեո համատեղելիություն/Video compatibility: NTSC 3.58; NTSC 4.43; PAL; PAL-M; PAL-N; PAL60; SECAM -Մուտքային տերմինալներ/Input terminals: Video: 1 x Mini D-Sub 15 pin (VGA); 2 x HDMI™ (Deep Color, Lip syncs) with HDCP; 1 x HDBaseT; 1 x RCA, Audio: 1 x 3.5mm Stereo Mini Jack for Computer analog, 1 x RCA Stereo for Video and S-Video; 2 x HDMI audio -Ելքային տերմինալներ/Output terminals: 1 x Mini D-sub 15							
--	--	--	--	---	--	--	--	--	--	--	--

				Ժամկետը/Warranty: 36 (երեսուն վեց) ամիս/36 months. Ապրանքի տեղադրումը, միացումը, փորձարկումը, անձնակազմի ուսուցումը Վաճառողի միջոցներով և Վաճառողի հաշվին:								
ԸՆԴԱՄԵՆԸ							8.658.000,00					

* Ապրանքը նոր է, չօգտագործված:

ԳՆՈՐԴ

Երևանի Մխիթար Հերացու անվան պետական
 բժշկական համալսարան Հիմնադրամ
 Հասցե՝ ք. Երևան, Կոռյունի 2
 Հեռախոսահամար՝ 060 621 000
 Բանկ՝ Հայբիզնեսբանկ ՓԲԸ
 Հ/հ՝ 11500166513800
 ՀՎՀՀ՝ 01503448
 Ռեկտոր՝ Ա.Մուրադյան

 /ստորագրություն/
 Կ.Տ

ՎԱՃԱՌՈՂ

«Ֆիրմա Ալֆա» ՍՊԸ
 Հասցե՝ ք.Երևան, Խանջյան 50,
 «Թեքեյան բիզնես կենտրոն»
 Հեռախոսահամար՝ 010 52 13 56
 Բանկ՝ «Ամերիաբանկ» ՓԲԸ
 Հ/հ՝ 1570005003790100
 ՀՎՀՀ՝ 01204713
 էլ. հասցեն՝ info@alpha.am
 Գլխավոր տնօրեն՝ Ռ.Եսայան

 /ստորագրություն/
 Կ.Տ

ՎՃԱՐՄԱՆ ԺԱՄԱՆԱԿԱՑՈՒՅՑ*

ՀՀ դրամ

Ապրանքի															
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է իրականացնել 2021թ-ին՝ ըստ ամիսների, այդ թվում												
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը
1	38651200	Պրոեկտորային համակարգ	-	-	-	6.498.000,00	6.498.000,00	6.498.000,00	6.498.000,00	6.498.000,00	6.498.000,00	6.498.000,00	6.498.000,00	6.498.000,00	6.498.000,00
4	38651200	Պրոեկտոր 2	-	-	-	2.160.000,00	2.160.000,00	2.160.000,00	2.160.000,00	2.160.000,00	2.160.000,00	2.160.000,00	2.160.000,00	2.160.000,00	2.160.000,00

***Վճարման ենթակա գումարները ներկայացվում են աճողական կարգով:**

ԳՆՈՐԴ

Երևանի Մխիթար Հերացու անվան պետական
բժշկական համալսարան Հիմնադրամ
Հասցե՝ ք. Երևան, Կոռյունի 2
Հեռախոսահամար՝ 060 621 000
Բանկ՝ Հայբիզնեսբանկ ՓԲԸ
Հ/հ՝ 11500166513800
ՀՎՀՀ՝ 01503448
Ռեկտոր՝ Ա.Մուրադյան

/ստորագրություն/
Կ.Տ

ՎԱՃԱՌՈՂ

«Ֆիրմա Ալֆա» ՍՊԸ
Հասցե՝ ք.Երևան, Խանջյան 50,
«Թեքեյան բիզնես կենտրոն»
Հեռախոսահամար՝ 010 52 13 56
Բանկ՝ «Ամերիաբանկ» ՓԲԸ
Հ/հ՝ 1570005003790100
ՀՎՀՀ՝ 01204713
Էլ. հասցեն՝ info@alpha.am
Գլխավոր տնօրեն՝ Ռ.Եսայան

/ստորագրություն/
Կ.Տ

Պայմանագրի կողմ

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N _____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատակարարել է հետևյալ ապրանքները՝

N	Մատակարարված ապրանքների							
	անվանում ը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճա րման ժամկ ետը /ըստ վճար ման ժամ անա կացո ւյցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ապրանքը հանձնեց

ստորագրություն

ազգանուն, անուն
Կ.Տ.

Ապրանքը ընդունեց

ստորագրություն

ազգանուն, անուն
Կ.Տ.

ԱԿՏ N _____
պայմանագրի արդյունքը Գնորդին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Գնորդ) և _____
Գնորդի անվանումը Վաճառողի անվանումը
 (այսուհետ՝ Վաճառող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը
 պայմանագրի շրջանակներում Վաճառողը 20 թ. _____-ին հանձնման-ընդունման
 նպատակով Գնորդին հանձնեց ստորև նշված ապրանքները.

Ապրանքի		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

 ազգանուն, անուն

 Ստորագրություն

Ընդունեց

հայտը նախագծած ներկայացուցիչ՝

 ազգանուն, անուն

 ստորագրություն